

А. РАЗМЫСЛОВ




А. Разнослов

КЫВБУРЪЯС



КОМИ КНИЖНОЙ ИЗДАТЕЛЬСТВО  
СЫКТЫВКАР 1961





## ПОЭТ-ЛИРИК

30-өд вояс заводитчигөн коми советскöй поэзия вöлі нин уна гөлöса. Юргис Нёбдинса Викторлөн вына, а мукöд дырйныс скөр серама гөлöсыс. Кыдзкө небыда да весиг лывкйöдлөмөн сыліс Тима Вень. Чорыда кутчысисны гижан уджö Иван Вась, Иван Вавилин, бöрын-джык — Серафим Попов.

Но быдöнысь вöлі торъялö гөлöсыс том коми поэт Ананий Размысловлөн. Сылөн кывбурьясын кыліс вöрса ёльяслөн дзольгөм-визувтöмыс, тыдалісны лöз енэжысь гөн кодь небыд кымöрьяс да «сюрс көлөкөльчикөн» локтысь тулыс. Том поэт ёна радейтліс ассьыс рöднöй вöр-васö, природасö. Аслас кывбурьясын сійö петкөдліс и советскöй йöвöс, восьтіс налысь душасö.

Ананий Прокопьевич Размыслов чужліс 1915 вося ноябрь 6-өд луно Сыктывдин районса Палевицкöй сиктын, крестьянин семьяын. 1927-өд воын помалö Сотчöмса начальнöй школа да сійö жö воö пырö велöдчыны Устьвымса мөдöд ступеня школаö, көні велöдчö нельво. Буретш тайö кадас Размыслов заводитö ёна радейтны литература да азыма лыддьö великöй роч писательяслысь да поэтъяслысь гижöдьяс, а сідз жö вниматель-

ноя тодмась сакся коми художественной литератураон да сы йылысь критической гижодьясон, кодьясос вөлі йозодома «Ордым» журналын. 14—15 арöса детинкаон на Ананий Размыслов видлө ассьыс поэтической перосö да ыстө медводдза кывбурьяссö «Ордым» журналö. Найö тшöкыда веськавлісны Нёбдинса Виктор киö.

1931-öд вося «Ударник» журналын лон йозодома Ананий Размысловлысь медводдза кывбур «Дас». И тайö кывбурас нин тодчис том поэтлөн зільомыс корсьны ассьыс свежой поэтической образьяс.

Нёбдинса Виктор пошти сійö жö кадас печатайтис «Ордым» журналын статья, көні том поэт йылысь вөлі пасйöма: «Бура кузь кывбур «Ягса музыка» гижöма Ананий Размыслов. Кытсюрö артмöма лöсьыдакодь... Размыслов ёртлы колö на уджавны гижан техника вылас. Сылөн эм сямыс лоны гижысьён. Тодчö художество сер да ообразность кывбурас». Тайö цитатаыс висьталö, мый Нёбдинса Виктор пыр жö казяліс Ананий Размысловлысь «художество сера» поэтической почерксö.

1931-öд воö А. Размыслов велöдчис литературной курсьяс вылын, кодöс помалöм бöрын сійö кык во чöж уджаліс Коми издательствоын литературной редакторöн. 1933—37 воясö велöдчис Вологдаса автодорожной техникумын, сөсся уджаліс Сыктывкарын да Абъячойын автомобильной туйяс вöчысь техникöн. 1940—41 воясö А. Размыслов — «Коми комсомолец» газетса редакторос вежысь.

Одйö вынсяліс Ананий Размысловлөн поэзияыс. 30-öд воясö том поэт гижис идейность да художественность боксянь ассьыс медся тодчана гижодьяс. Сійö сюся видзöдіс лунысь лунö зумыда водзö осьлалысь олөм бöрся.

Но мян öткымын критикьяс ляскылісны Размысловлы пессимистлысь, помöдз шогö вöйöм мортлысь ярлык, а мукöдьяс — мөдарö: босьтлісны поэтлысь сöмын гражданской мотивьяса кывбурьяс да, та вылö подуласьöмөн, шулісны, мый Размысловлөн лирикаыс дзоньнас патриотической, вылын идея, мый сылөн эз вöвлыны некутшöм бокö шыбöлитлөмьяс.

Колō шуны, мый А. Размысловлысь творчествосō стōчджыка да пыдисянджык вōлі донъялōма сōмын «Коми литературалōн история кузя очеркъясын», кōні мунō правильнōй сёрни поэтлōн творчествоын и тырмытōмторъяс йылысь, и сы йылысь, мый вайис сийō бурсō коми поэзияō.

Да, Размысловлōн эмōсь откымын кывбуръяс, кодъяс содержание сертиыс гажтōмōсь, шогōсь. Поэт-лирик ас-лас кывбуръясын веськыда висьталō личнōй олōмын да торйōн нин радейтчōмын неудачаяс йылысь.

Ставлы тōдсаосъ Ананий Размысловлōн «Паськыд енэж», «Первой май», «Лыжи вылын», «Братанъяс», «Воклы» кывбуръяс да поэма «Медводдза любовь». Буретш тайō гижōдъясас медся бура тōдчō пōсь лириклōн талантыс да поэтической мастерствоыс. Тулыслы, садмысь ывлалы, гажа томлунлы, ключōн пуысь олōмлы гимн юргō «Первой май» стихотворениеын.

Ярьюгид метафораōн, интереснōй сравнениеясōн А. Размыслов тэчō вунōдны поэтым поэтической образъяс. Абу случайнō, мый поэт аддзō мича художественнōй детальяс буретш сийō кывбуръяслы, кōні сёрныс мунō радлун йылысь, шуда олōм йылысь.

«Лыжи вылын» кывбурын поэт петкōдлō томлунлысь помтōм-дортōм вынсō:

Корсян мудзōм,  
А вирыд пыр пузьō,  
И век шоналан,  
Кокнялан пыр,—  
Вōтча тōв бōрся  
Чарōм туй кузя,  
Кытчōдз морōсын  
Лолōй оз быр.

Код нō дивитас том мортōс неуна ышмōмысь, неуна дурыштōмысь? Оз мōй тōдчы, мый тайō лирической геройыс радуйтчō олōмыслы, радейтō олōмсō?

Пөсь кывъяс висьталö поэт Рөдина-мамлы «Праздник асылö» кывбурын.

Чужан муыс поэтлы медся матысса, медся дона. Ананий Размыслов аслас стихъясөн вöчис миян пармаса вөр-васö аслыссикас лирической геройөн. Поэт висьталö природаыслы ассыс гуся думъяссö, сёрнитö ськөд, кыдзи важысянь тöдса морткөд.

Рөдина понятиеын оз ичöt юкөн босьтны пожöма ягъяс да чериа юяс, мырпома нюръяс да катшасинъяса видзьяс... На йылысь Ананий Размыслов сьыліс меліа-меліа, ыджыд радейтöмөн.

Поэт мыччö кияссö ывла выв природалы, кыдзи мед-бур друглы, аддзö ыдждöдлөм вылö мича да лöсьыд кывъяс.

Гижан сямыс Ананий Размысловлөн вöлі вылын. Медым тэчны йöз сьölöмö писькөдчысь поэтической образъяс, поэт-лирик корсис медся выразительной кывъяс, кужöмөн пöльзуйтчис выль эпитетъясөн, метафораясөн, сравнениеясөн. Эз этша выльтор пырт Ананий Размыслов и коми поэтикаö. Сылөн кывбуръясын паныдасьлö зэв уна пöлөс ритмика, сійö корсьліс Маяковский сяма рифмаяс (коркө — дзоргöмөн, эськө — веськодя и, с. в.), пробуйтліс пыртны коми поэзияö гипердактилической рифмаяс (вывті туйтöм — четвертуйтöм).

1938 воын Ананий Размыслов йöзöдіс ассыс медся ыджыд да медся тöдчана поэтической гижöд — лирической поэма «Медводдза любов». Ыджыд вензьöмъяс кыптылісны и тайö поэма гөгöрыс. Авторöс көритлісны сыысь, мый быттьökö Танялысь (поэмаса героиня) характерсö развивайтöмын абу некутшöм логика, мый абу последовательной лирической геройыслөн образыс, код нимсянь муно поэмаас став висьтыс. Колö шуны, мый тайö көритöмъясыс эз вöвны тырвийö правильнойöсь.

Медводдза строкаясянь поэмаыс шымыртö лыддьысьысьöс аслас искренностьөн. Кажитчö, мый тайö вöвлі тэкөд, мый авторыс аддзöма буретш тэнсьыд кывъяс.

Унаөн шулісны, мый Размысловлөн поэмаыс нориник шыяса, пессимистической. Татшöм сяма шуасьöмъясыскөд оз позь сөгласитчыны. Збыльысь:

Мед пō колип выль сьыланкыв сьылō,  
Важся кōсийōм выльмōдны оз ков,  
Мед выль муслун сьōлōм вылын кылō,  
Но пыр муса медводдза любов.

Мый нō тані жалитанаыс да шогыс? Ми ѓд босьтїм эг кутшōмкō случайнōй строфа, а буретш сэтшōмōс, кодлōн мōвпыс муно произведеениеас главнōй мōвпōн. А. Размыслов аслас поэмаса геройяс костын отношение-сō петкōдлō кьдзи выль, социалистическōй кадō чужōм да быдмōм том йōзлысь отношеніеяс. Но вермисны-ѓ важся том йōз видзōдны тадзи любов вылō, кьдзи видзōдō поэмаса лирической геройыс, код нимсянь муно повествованиеыс:

Лōг ни вежōктōм ме морōсын ог кут.  
Оз кō кузя сийō вермы вунны —  
Коли сōмын шуны налы шуд.  
Сōмын шуд!  
И некор мед оз торксы  
Збой том кадлōн кыпыд сьыланкыв.

Тайō кывъясысь тыдалō выль морт, йōз дїно аслас дзик выль отношеніеон. Сы вōсна и талун на Ананий Размысловлысь поэмасō єна лыддьōны, уналы сийō воō сьōлōм вылас.

Кор немецко-фашистскōй ордаяс уськōдчисны миян Рōдина вылō, Ананий Размыслов, кьдзи и уна мукōд писательяс, босьтїс кнас оружие, медым дорйыны чужан му. Том поэт вōчис фронт вылын зєв сложнōй да опаснōй делō: сийō командуйтїс сапєрнōй ротаон. Тайō ыджыд сьōлōма мортыс фронт вывсянь гижліс: «Онї воис кад обрушитны враг юр вылō миянлысь став лōг-лун, миянлысь став ѓбида Рōдиналы сьон вōчōм став разрушеніеясысь, миянлысь каръяс да сиктьяс пежалōмысь, миян сōветскōй йōз вылын кывлытōм издавательствоясысь.

Ми долженось беззаветноя тышкасьны, медым будущойын ми, либо миян вокьяс да чойяс вермисны кыподны нощта крепыдджык дружба да любов.

Ме кута тышкасьны нощта ёнджыка нежной стихьяс да сыланкывьяс олёмлөн право вёсна, кодьяс ёнмодоны миян народлысь дружба да любов.

Мед олас радлулөн да победалён лирика!»


Дерт, фронт вылын поэтлы кад вёлі этша гижны кывбурьяс. Но век жё бояс костын Ананий Размыслов гижис чудесной стихотворение «Воклы».


Поэтлөн думьясыс лэбзьёны родной пармаё, чужан сиктё, сэтчё, мый сийё пося радейтліс аслас дженьыдик олём чожыс.


Но сылы кажитчё, мый чужан му колё радейтны нощта на ёна, сетны сылы сёлёмлысь став посьлуносё. Сомын тай поэт эз вермы портны олёмё ассьыс медбёрья кёсиймсё — сийё эз во бёр аслас чужан пармаё. Вражеской пуля ородіс сылысь олёмсё да творчествосё 1943 вося сентябрь 30-од луно Полтавской областьса Большая Кохановка сикт дорын командованиельсь боевой задание олёмё портігөн. Сэки поэтлы вёлі 28 арёс.

Ананий Размыслов аслас дас вося творческой уджён коліс коми поэзия радейтосьяслы ичотик, но зэв тодчана наследие. Тайё книгаас лон пыртёма поэтлысь пошти став кывбурьяссё, кодьяс ас кадё петавлісны журнальясын, газетьясын да сылөн сборникьясын.

*А. Ванеев.*







\* \* \*

**П**емыд вөр, тэнад көніджык пом?  
Көні пемыд тіль помасьö тэнад?  
Кымын пөткалысь пөткөдлін вом?  
Кымын зверөс тэ быдтін ас дінад?

Тэнад шутьлялө чизыр вой төв,  
Сыкөд өтвылысь өтнадлы сылан.  
Тэнад сьөлөмад — гожөм көть төв —  
Өткодъ сыланкыв лэбалө, кылө.

Сөмын радейта сьөлөмсянь ме  
Тэнө гожөмын, арын, көть төлын,  
Кыпыд сьөлөмөн тувччала век  
Мойдысь вөр пышти, векньыд туй пөлөн.

Ме пыр казяла тэнсьыд кузь мөвп,  
Тэныд сы вылө воча кыв видза.  
Козья сьөд вөр, тэ муса мен зэв,  
Шог и гаж тэнад сьөлөмөдз йиджө.

## МЫЖ

Кыасянь кыаөдз тіраліс вөр,  
План вөсна чорыд кось сэтөні муніс.  
Некор не чеччывны пуяслы бөр,  
Усисны кодъяс та косьын.

Рытьяывыв шонді оз өшав сэн дыр —  
Лэччис лад кутөмөн ассъыс.  
«Коймөд бригадалөн норма эз тыр»,—  
Сэк бригадир аслыс пасйис.

Исковтө рыт, и со баракын чөв,—  
Некод оз лысьт сійөс торкны.  
Отнас куш ывлаын потласьө төв,  
Йөзлөн жө синъясын — сёрни.

Нинөм эз шу бригадирлы прораб,  
Эз видчы, ни лёкысь эз равзы,  
Но синъясас вөлі гижөма став,—  
Индісны налы дзик ставсө.

Быдөнлы кузь тайө кажитчис вой,  
Быдөнлөн сьөлөмныс пессис:  
«Кыдзи нө тадзикөн личөдім сой?  
Кыдзи нө татшөмөдз лэччим?»

Некодлы мыж талун узыны оз сет,  
Ставлөн дзик пытшкас шог вөрис,  
Кажитчис, быттьөкө, стенсянь портрет  
Ленинлөн видзөдіс скөрысь.

Водз асыв. Оз тыдав на кыалөн борд,  
Бригада — ас местаас, вөрын.  
Кык нормаөн тайө лун сетіс быд морт.  
Рыт. Нюмъяліс на вылө Ленин.

1

Кылө пармаын  
 Гажа музыка,  
 Кер сэн камгöны  
 Чера мужикъяс.  
 Вензис дыр дзор коз,  
 Лоис сетчыны —  
 Водіс, — некор оз  
 Сэссия чеччывлы.  
 Вöльнöй войтырлөн  
 Ыджыд силаыс.  
 Вөр оз вен некор  
 Чер да пилаöс.  
 Кылө гажа зык  
 Паськыд вөр пасьта.  
 Нуö йöз тан кось  
 Ыджыд план. вöсна.

2

Надзөн рытивлань  
 Шонді катовтчö.  
 Тöвся рытыд тай  
 Одйö матыстчö.  
 Вöрысь локтö йöз  
 Рытъя пöраö.  
 Барак öдзöс дзир  
 Дзуртö гораа.  
 Найö локтöны  
 Пила-чераöсь.  
 Вирөн ломзёны  
 Налөн чужöмъяс.  
 Морт кык нормаён

Быдөн тыртисны.  
Ыджыд радлунён  
Пуяс дзуртисны.  
Пачын пакталё  
Чөскыд чери ва.  
Пөртийын व्या рок  
Сука сукмөма.

Киссьөм доддьөн олөмыс кор муніс,  
 Кыскис олөмсө  
 Лёк кляча вөв,—  
 Сійө кадыс йөзлөн важөн вуніс,  
 Нуис сійөс ылө  
 Бушков төв.

Вежсьө олөм.

Діпкө чорыд сьөлөм.  
 Пөрысь нэма гөр со чергөдөма кок,—  
 Бөръя лунъяс шор гуранын олө.  
 Көрт вөв ылө дзоргө —  
 Босьтө шог.

Бырис сьлөн неважөнся вын.  
 Оні оз нин му эж вывсө йирлыв.  
 Быттё йирмөг —  
 Посньыдика тірзьө  
 Гора ывла вылын  
 Амысь пинь.

Отнас юкө ассьыс шог и гажсө,  
 Некод сы дінө оз лок, оз кор.  
 Кулан выйын вөталө, дерт, важсө...  
 Нетшкө сылысь  
 Сісь лөп  
 Визув шор.

Важся көзяиныс  
 Трактор вылын гөрө,  
 Сійө чужөм вылын —  
 Олөм өдлөн нюм.  
 Оз нин лёк вөв ылө горзы, скөрав,  
 Гөрбыль мышкөн  
 Гөр бөрся оз мун.

## АРСЯ ВОЙЫН

Арся луныс өдйөн сёрмө,  
Кымөр улө дзевсис кыа.  
Ланьтис сиктын ныв-зон сёрни,  
Ори сыланкывлөн шыыс.

Том йёз муртса на со петліс —  
Ворсанінысь пырө важөн...  
Арся войяс, мыйла нө ті  
Абу тувсов нога гажа-сь?

Быттьө неважөн на сөмын  
Ворсіс Эжва эзысь серөн.  
Неважөн на вөлі шоныд, —  
Онi лун-лун сільгө-зэрө.

Кымөръясөн енэж гудыр,  
Кодзув котөрөн оз дзирдав.  
Оз ворс ывла вылыс шудөн,  
Көдзыд төвру сьөлөм йирө.

Увгө кыз пу дорын вой төв.  
Нетшкө кельыд зарни корьяс,  
Быттьө гырысь синва войтъяс  
Гылалөны кильчө дорө.

Гашкө, сійөн сьөлөм доймө,  
Морөс пытшкысь гажлун ямө,  
Мыйла нывка менө, зонмөс,  
Оз нин радейт тувсовъя моз.

## ТРАКТОР ГОР

Кыз кымөрө судзөдчө йывнас  
Виж паськөма пожөма яг.  
Выль сыланкыв сәні кылө,  
Сән тракторлөн кылө ён шаг.

Со юрнысө ләптөма-сь вылө,  
Кын муыскөд йитчөма вуж.  
Важ пөраыс кольөма ылө,  
Выль кад дырийи выль нога удж.

Кын кепысьөн көдзыдыс крапкө,  
Кузь коз пулөн дзормөма туг.  
Сук вөр пөвстти гримөдө трактор —  
Выль олөмланы востө выль туй.

## ПЕРВОЙ МАЙ

Эзысь сынөдөн енэжыс пөльтчө.  
Кыдз нө гажмөм лов вывлань оз кай?  
Алөй флагъясөн, сюрс көлөкөльчикөн  
Локтө таланьө веж төлысь май!

Ставөн горөдлам өтувъя чолөм,  
Юргас мед тувсов музыка шы!  
Кыдз нө та дырйи оз йөкты сьөлөм?  
Кыдз оз кыпты тан том гажлөн гы?

Лэдзлы сынөдас, завод, гудоктө,  
Пальөд ывлалысь ылалөм садь!  
Алөй флагъясөн, йөзъясөн локтө,  
Локтө таланьө веж тулыс кад.

Апрель мыйкө төрыт  
Көдзыд йылысь сөрис.  
Тулыс помлөн төвкөд гөрөд  
Талун ори шөри.

Шөри ори  
Визув ю.  
Тувсов горөн  
Жувгө юр.

Сьылө нывка,  
Радлө зон.  
Серав, ывла!  
Төвлы пом!

Югыдлөз кадөй, кутшөм тэ том!  
Гөгөр вын тэсянь ыпъялө биөн.

Аддзан, туйыс со мый кузя мяян,—  
Некөн шудлунлөн оз тыдав пом!

Аддзан, Май!

Аддзан, кымынөн ми!

Мыйта надея синъясын ломзё!

Кумач флагъясөн шымырт став мир,

Му и саридз выв сөдз нюмөн ловзёд!

## Э Ж В А В Ы Л Ы Н

Ломзьö шондi  
Енэжын, юр весьтын.  
Пöльтö надзöника  
Небыд төв.  
Эжва сэтшöм чöv!  
И шондi водзын  
Сiйö кывтö,  
Быттьö рудов шöвк.  
Гөгөр гаж шы.  
Кывтö моль — зэв тшöкыд,  
Берег дорöдз  
Керйөн Эжва тыр.  
Ва дор пöлөн  
Надзöникөн муна,  
Видзöда ю вылö,  
Нимкодяся дыр.  
Сьölөм рад,  
Став Коми муыс радлö,—  
Дзор парма весьтын  
Гажа уджлөн гы.  
Юракылö  
Тувсов гора кадö  
Кылöдчысьлөн  
Долыд сьыланкыв.  
Юргö ывла,  
Вөр-яг ставнас юргö,—  
Миян долыд,  
Миян — зумыд вын.  
И зэв лöсьыд,  
Эжва вывтi пурьяс  
Кодыр помтög  
Кывтöны быд лун.

## СТРАДНА СЫЛАНКЫВ

Куткыр козйӧс личкӧ ун.  
Кутшӧм лӧсьыд ыркыд гожд сай!  
Ывла вылын мича лун  
Видз выв турунъяскӧд ворсӧ.

Дӧрӧм улын —  
Ньылӧм шор,  
Швичкӧ турун  
Коса дор.

Сэн — колхоз,  
Тан — колхоз,  
Пуӧ ӧтув уджд.  
Видзьяс вылын  
Вай эн ылав,  
Збойлун кутны куж!

Дышӧн ворсны тан оз пожд,—  
Зэв ӧд ёна сотӧ шондӧ.  
Турун вӧсна ыджыд кось  
Кыпӧд верӧтятӧ, сӧнтӧ.

Ыджыд косьын —  
Вермӧм тыр.  
Уджӧ босьтчы  
Пырысь-пыр.

Лун и вой,  
Вой и лун,—  
Крепит вына сой!  
Шыбит бокӧ  
Гудыр ун,—  
Тӧнӧ уджд оз сӧй.

Сьӧкыд гождся страдна уджд,  
Вынӧн чардышт парма дортӧ.  
Визув ёльӧд повтӧг вуджд,  
Збоя сьыв, ударник ёртӧй!

Ыджыд косьын —  
Тэкөд став,  
Сөмын ёся  
Нырщикав.

Сэн — колхоз,  
Тан — колхоз,  
Пуө өтув удж.  
Видзьяс вылын  
Вай эн ылав,  
Збойлун кутны куж!

## АСЪЯ СЕРПАС

Жынгыртчōма\* арся енэж —  
Вывті гудыр.  
Кōдзыд вой тōв вынтōг лōнис  
Паськыд лудын.  
Сыркакылō асья сынōд  
Гумла дорын:  
Вартан машиналōн шыыс  
Кылō гора.  
Кодъяс сәні татшōм йōзыс,—  
Зумыд шыа?  
Кодлы мелі югōр резō  
Асья кыа?  
Кодлōн зымакылō выныс  
Став му вылас?  
Кодлы тайō рōмыд сынōдыс  
Пыр сьылō?  
Тайō, тайō ставыс —  
Шуда му выв пьян!  
Тайō — вына горōн юралō  
Удж миян.  
Тайō — миян топыд сьōлōм  
Отув пуō.  
Миянсьыным удж шы тōлыс  
Сьылō-нуō.  
Чолōмалō петысь шондісō  
Зіль войтыр.  
Кыпыд вынōн сьōлōмъясныс  
Налōн ойдō.  
Киньяс резō рōмыд сынōдō  
Збой асыв,  
Войся лысва кайō тшынōн  
Турунъясысь.

\* Жынгыртчōма — йōжгыльтчōма.

## РЫТЪЯ ЛИРИКА

Тувсов лунся горыс  
Сынöd пиö сылö.  
Ломзъысь кыаыс —  
Кызд алöй шöвк.  
Небыд шыөн шувгис пожöм  
Кыркötш йылын,  
Шевкъялис руд визьөн  
Мöдлапöв.  
Лöсьыд, пöсь удж бöрти  
Рöмыд енэж улын  
Лöня мöвпавны,  
Кöть мый йылысь эн босът...  
Талун... талун...  
Нимкодъ торъя мыла.  
Талун артмö менам кывбур — ёсь.  
Гөгөрво тэ менö,  
Муса пожöм,  
Менсьым öтка мöвпъяс  
Тöдысь ёрт.  
Онi, öнi уна кыпыд вожөн  
Сьölöм шöрсянь буждö вына шор.  
Мед ме öткөн дзöля,  
Мед ме öткөн ичöt,  
Сöвет муыс,  
Му шар вылас  
Ыджыд зэв.  
Абу вуджөр ме...  
Ударнöй уджөн гызьö  
Миян киясын быд шы,  
Быд мог, быд мöвп.  
Миян муса —  
Выль гигантлөн быдмöм,  
Вынөн дзирдалысь Сöветскöй му!

. . . . .  
 Мед жө, мед  
     Историяыс кывлас  
 Миян уджъяснымлысь  
     Лов шы — шаг...  
 А талун тэкөд  
     Сёрнита ме, ывла,  
 Тэнө чолөмала,  
     Яла нитшка яг.  
 Тэныд, муса пожөм,  
     Сыланкылөс сылі,  
 Ассьыд пайтө меным  
     Сыв жө, сыв...  
 Кымөр чуктасторъяс  
     Шлывөдісны вылі.  
 Төвру серөдыштіс  
     Рөмыд Эжва выв.  
 Мөвпъяс разалісны гөгөр  
     Уна вожөн,  
 Кыдз тай лөсьыд асъя унлөн вөт.  
 Шонді югөр йылысь  
     Меным мойдіс пожөм,  
 Войся шыяс видзысь  
     Часөвөй.  
 Букуш кымөр өшинь сайын  
     Сяльгө зэр.  
 Мича дзоридз меным вайис  
     Сьөлөмшөр.  
 Шуа сылы: «Дзоридз вылысь  
     Лысва ва  
 Аслам медбур сыланкывйөн  
     Чышкала».  
 Нылөй менам: «Тэнад мыла  
     Сыланкыв

Көдзид, быттё арся кыа  
Рытъявыв.  
Мунан таво. Шогё коля  
Ме төвбыд.  
Вай жё мелі кывйён колльöd  
Тайö рыт».

Талун сѣрмөмөн петалис шонді,—  
Вөлі лун шөрөдз кымөра, саль.  
Гожся ывлаыс сьөлөм эз шонты,  
Менам морөслы вөлі зэв жаль.

Аслым ачым ме чорыда кыв сеті:  
Сиктса том йөзысь бокө ог кеж:  
Босьта гудөкөс, гуляйтны пета  
Нөрыс йылө, көн эжаыс веж.

Эжва ю вылысь еджыд ру кайө.  
Винөв бадьясын кышөдчигсор.  
Муса нывкөд ми пуксям льөм сайө,  
Шөпкас миянлы сылөн веж кор.

Войся сынөдын гудөк шы гыалө,  
Гажөн тырөм — колхозной том йөз.  
Муса нывлы ме сьөлөмсянь висьтала:  
«Тэнад синъясыд енэж кодь лөз».

Мед жө шондыс аски петас,  
Косьтас му вылысь лысвасө пыр.  
Локтас, төлөдас важ кадлысь ветөш  
Сиктса том йөзлөн гажа төв ныр.

Талун сѣрмөмөн петалис шонді,  
Вөлі лун шөрөдз кымөра, саль.  
Гожся рытө том сьөлөмөс шонтіс  
Муса шань нывлөн небыд лөз шаль.

Сьылöй гажаджыка,  
Пöрысьяс и томъяс!  
Öд ударнöй уджлөн некөн  
Абу помьс.

Став мувывса уджалыськöд  
Öтвыв — миян туй.  
Мед оз чушкы миян вылö  
Лёк буржуй.

Миян тикöд  
Öтвыв пуö сьölөм, вир,  
Тикöд, надейтчы,  
Став уджалысьлөн мир!

Тыр-бур олөм вöсна  
Нуамöй ми тыш.  
Югьд биөн яра ломзьö  
Морöс пытш.

## ЛЫЖИ ВЫЛЫН

Тайо серпасыс  
Енэжын төдчө:  
Пуксьысь шонди  
Да дзирдалысь лым.  
Чизыр төв бөрся  
Лыжион вөтча,  
Оддзөм бедьясыс  
Ки улын пым.  
Здукон ышмыла...  
Кызд гөгөр чукульта,  
Лэба чой горув,  
Лэпта лым бус.  
Вывлань горөда...  
Йөлаон юкыштас  
Сөдз дон сынөд,  
Быд гыөртөм куст.  
Корсян мудзөм,  
А вирыд пыр пузьё,  
И век шоналан,  
Кокнялан пыр,—  
Вөтча төв бөрся  
Чарөм туй кузя,  
Кытчөдз морөсын  
Лолөй оз быр.  
Төдса кыркөтшөд  
Дом динө кая,  
Сьөлөмшөрөйлы  
Горөда ме:  
— Муса Машук,  
Кыз гыөръяс сайысь  
Петав лым вылө,  
Иславны пет!

Унмөй оз лок  
Төлыся рытө.  
Мыйлакө мусаөй  
Талун оз лок.

Сад йөрын чөв,  
Лөнь — шы ни төв.  
Быттьөнөсь төлысьыс  
Матіник зэв.  
Быттьөнөсь сьөлөмын  
Выль сьыланкыв...  
Буракө, ылөдіс  
Збой синма ныв.

Рытивбыд думайта:  
Мый понда радейта?  
Төлыся рыт,  
Төлыся рыт!

Сорсьө быд мөвп,—  
Лөнь — шы ни төв.  
Быттьөкө төлысьыс  
Шванитчысь зэв.  
Шытор оз кыв,—  
Радейта тәнө,  
Радейта тәнө,  
Тәнсьыд быд кыв.

Исковтө вуджөр,—  
Енэжыс кутшөм!

Ме тшөтшья кадө  
Коді оз радейт?  
Төлыся рыт,  
Төлыся рыт!

Унмөй оз лок  
Тайö сөдз рытö.  
Милöйöй, көн тэ?  
Мыйла эн лок?

Рыгтя кыа лөнькөд тэ он рөдмы,  
Дугды дөзмөдчыны, вой төв-швичкун.  
Мый көть шу, а тэ он төд өд  
Шонді пуксян кадлысь мичлун.

Меным сійө бура төдса.  
Кыла енэжлысь шонид лов шы.  
Керка, кильчө өдзөс абу пөдса —  
Сьөлөм пиын том гажлы оз овсьы.

Аттө, гожся рөмыд гора рытөй,  
Кутшөм вөччөмыд тэ Эжва пөлөн!  
Мича рытөй,  
Мыччы меным китө,  
Окышт банөс небыдик лун төлөн.

Гожся рытөй, удж вылын тэ суин  
Талун менө, вемөдз ышмөм мортөс,  
Тэныд нюмъевті да гусьөн шуи:  
Тарыт узыны ог мун гортө.

Тавой синмөс здук кежлө ог куньлы,  
Киөн-кокөн ывла вывкөд йитча.  
Аски асывводзө вильмөм лунлы  
Киөс веж луд вывсянь мычча.

## НЫВЛЫ ПИСЬМО

Гижа тэныд ме, сьөлөмшөр нылөй,  
Тэ эн дивит, мый кывсьөртас жеб.  
Мед ме тэ дорсянь өні зэв ылын,  
Ассым мөвпъясөс тэсянь ог дзеб.

Гажа сад йөрын августся рытын  
Тэнө аддзөдлі, сьөлөмшөр ныв.  
Тайө рытсө сөдз асывкөд йитис  
Тэнад медбөръя меліа кыв.

Ме ог вунөд, кызд рыт кыа кусіг,  
Өткодь долыдөн кажитчис рыт.  
Сьөлөм сотыштис, шуин кор «мусаөй»,  
Сөмын окыштны воча эг лысьт.

Уна рыт пом ми тадзикөн векньөдлім,  
Сөмын олөм — кызд Эжва ю выв.  
Регыд лоа ме туй вөчысь техник,  
Тэ — ударник-колхозница ныв.

Сійө кадсянь вель уна нин коли,  
А со сьөлөмын пыр сійө би.  
Сөмын кыкысь на воча кыв воліс,  
Мыйла вунөдін, мыйла он гиж?

Ме со радейта важ моз на өнөдз.  
Тэ нө сэкся моз радейтан он?  
Тайөн помала письмоөс тэныд,  
Сиа муыс кодь ыджыд поклон.

Гижа тэныд ме кывбуръя кывйөн,  
Тэсянь меным зэв уна оз ков:  
Висьтав меным тэ, сьөлөмшөр нылөй,  
Кызди комиөн шусьө «любов».

## ТӨЛЫСЯ ВОЙӨ

Мед нө неуна кӧдзых и неуна сӧр,—  
Кыла сӧлӧмысь ыджыд лача.  
Мекӧд орчӧн со мӧвп сяма ёрт,  
Сӧмын ме сӧйӧс ӧтнассӧ аддза.

Лӧньӧм кар вывті ветлӧдлім дыр,  
Тӧлысь надзӧник енӧжӧд кывтіс...  
Ёртлиӧн варовлун помтӧм, эз быр...  
Ошкис, висьтавліс ярмӧмӧн вывті.

Ошкис тӧлыся лӧнь ывла выв,  
Кутшӧм гӧгӧрыс гажа да мича.  
Сэсся ланьтіс, и меӧ сетіс кыв;  
Кисӧ чабырті да вочавидзи:

— ...Эстӧн, ылын зӧв... Коми сикт эм...  
Асыв-войвылын, пармаын, ёртӧй.  
Сәні чужлі и быдмылі коркӧ,  
Колли гажаа ассъым том нәм.

Сәні татшӧм жӧ тӧлыся рыт,  
Лӧзов югыдӧн ойдӧма ылӧдз.  
Сән оз дугдивны том йӧз войбыд  
Съывны, йӧктыны дзурыд туй вылын.

Эзысь тугъяса сулалӧ коз,  
Луныв йӧр дорын, гыӧртӧм садйын...  
Тӧда, талун оз ӧти том гоз  
Тӧлысь ылӧ да муслунлы радлы.

Муса ёрт, ломзӧ дон морӧс пытш!  
Видзӧд, мичлуныс, муса ёрт, татӧн,

Видзёд, тӧлысьлӧн дзирдалан кытш  
Кутшӧм кажитчӧ матын, зэв матын.

Лӧня вашъялӧ енэжлӧн пи,  
Мый нӧ сылӧн кӧ югӧр оз шонты:  
Найӧ кокнялӧм сьӧлӧмын — би,  
Найӧ радейтысь синъясын — шонді!



Горёда ме сывны,  
Горёда ме гора,  
Медым кутіс кывны  
Менам милёй дорёдз.

Горёда ме гора,  
Тёв пöпутнöй, ну вай,  
Лэбзы сывлём сорён  
Ылө, Коми муө.

Медым кутіс кывны  
Сэні менам сывлём...  
Мелі кывйөн милёй  
Казьтыштас ме йылысь.

Менам милёй дінөдз  
Сыланкывйöй мунас.  
Муслуныс кө вына,  
Гашкө, эз на вунөд.

Гашкө, эз на вунөд...  
Если кө и вунсис,  
Сөмын верма шуны  
Аттё важ муслунсьыс.

## ТУЛЫС

Лун шөр кад. Дзирдалө шонді.  
Гажпырысь лым гөгөр сылө.  
Ошинь ув гож водзын помтөг  
Челядьлөн ворсөм шы кылө.

Польдөма юыс йи улын,  
Дзольгöны, бузгöны шоръяс,  
Со öд и воис нин тулыс,  
Менам дыр виччысянторйöй!

Тулысöй! Лов кыптан кадöй!  
Ыліөдз юралан шыяс!..  
Нюмдöны, мусаöсь, радöсь,  
Кокниа пасьтасьöм нывъяс.

Енэжыс помтöм ми весьтын,  
Лэбачьяс сильгöны вылын;  
Тувсов лöz енэж кодь сöstöм  
Тельгöм шы челядьлөн кылө.

## МЕНАМ ШУДЛУН

Ассыым шудлун вöлись гөгөрвои;  
Онi гöда,  
Кытчö кöть ог мун:  
Югөр койö меным  
Асья войö  
Менам шудлун —  
Менам чужан му.

Менам шудлуной,  
Эм менам томлун,  
Кыпыд сьöлөм,  
Киподтуя удж.  
Миян востерлунөн  
Кузяла кöть вомлөс  
Повтөг Войвыв саридз вудж.

Чужан му тэ менам,  
Синмөн судзтөм,  
Тэнад вынлөн некөн абу пом.  
Пöрысьмам ми... Мудзам.  
Тэ пыр мудзтөм...  
Тэ пыр лунысь луно лоан том.

Кыз нö радейтчытөг миян овны,  
Олөмыс кö долыдлунөн тыр.  
Сетам ассыным ми  
Тэныд томлун,  
Том мед вöлин  
Нэмыд кежлө пыр.

Менам шудлун —  
Сийö шуда аски.  
Миян кузь туй  
Джынварын оз ор.  
Югыд кадын аддзысьлам на, гашкө,  
Паныдасьлам,  
Ичөтдырся ёрт!

## Розъявны

Став вольной му выв пасьта  
Кутас енаж улын гажа сад...

Паныдасьлам!

Пышйом вояс казьтам...

Кыпыд томлуннымлысь

Визув кад!

Визув кад!

Тэ вунны дыр он вермы.

Тода,

Коркө казьтылантор сюрас,

Сийон аслым пыр ме шуа:

Тэрмась овны талун

Тыр олөмөн бура.

Шуа аслым:

Олөмысь ог дөзмы.

Сийо гажон

Морос пытшкөс пестө.

Мый көть став олөмыс —

Йөзлөн?

Сэни неуна и менам места.

Сы вөсна и меным

Татшом долыд,

Морос пиысь

Сьыланкыв оз куслы,

Сы вөсна и

Лов тыр гажон ола,

Видза сьолөм пиын

Помтөм муслун.

## ДЕМОНСТРАЦИЯ БӨРЫН

Збоя тувчисны рад бөрся радъяс,  
Верстьö батьяскöд нывъяс да пьян...  
Со и мунисны...  
Öвтчисны флагъяс...  
Налы бөрвылас макайтi киөн.  
Видзи чолөм ме ыджыд Октябрлы,  
А со лов вылын быттöкö Май кодь,  
Быттö шондiсö аръявыв кадлысь  
Көдзыд кымöрыс ньöти оз сайкөд.  
И быд синъясын дзирдалiс нюмыс.  
Дзик жö сiдзи, кыз тулысын сынöд.  
Жöдзис площадь выв тувсовъя шумөн,  
Сийö юралiс гажөн да вынөн.  
Кежис медбөръя рад улич сайö,  
Збоя тувчисны зонъяс да нывъяс.  
Мудрой Партия йылысь со найö  
Бара сьылöны пöсь сьыланкывъяс.  
Сьылөм горыс мем сьөлөмөдз йиджис...  
Пыр на öвтчöны флагъяс син водзын,  
Накөд мөд воөдз прöщайтчиг, гиж  
Ассьым сьыланкыв — праздниклы козин.  
Мыйта морöсын гыалiс радлун,  
Мыйта гажлуныс сьөлөмсянь петiс —  
Сети ставсö кöть ас му том кадлы  
Тайö здук праздник лунся приветөн!

## ПАСЬКЫД ЕНЭЖЫС

Паськыд енэжыс Сөвет му весьтын,  
Сэтшөм джуджыд да лөзалан сөдз,  
Ставсө отчыдөн лолыштан эськөн,—  
Морөс йөрышыд сөмын оз лэдз.

Мыйта вөляыс, гажлуныс мыйта!  
Сылысь лэбачөн сынөдыс тыр...  
Лунтыр видзөда, енэжысь кыйода:  
Уклад лэбачьяс жургөны пыр.

Сийө лэбачьяс вылын геройяс  
Водзө лэбөны пөткаяс моз.  
Зумыд вынийөрөн, вежөра-збойөн,  
Кызди мөдлаын некөни оз.

Самолёт төла сынөдсө чашйө,  
Гашкө, полюсө восьтө выль туй,  
Саридз сай муө төвзьөдө, гашкө...  
Көть мед кытчө, пыр сия — «бур туй»!

Мед нө Войвылыс кымөрөн пөльтчө,  
Оз веж туй визьсө гөрд самолёт.  
Водзө лэбзьө пилот-комсомолец:  
Чорыд кипод, моторыс оз чот.

Паськыд енэжыс Сөвет му весьтын,  
Сэтшөм джуджыд да лөзалан сөдз,  
Горша отчыдөн лолыштан эськө,—  
Морөс йөрышыд сөмын оз лэдз.

Лэбзы, лэбачөй! Сынөдсө дзенөд!  
Паныд вөрөглы, ковмас кө, мун.  
Од ми радейтам асьыным енэж  
Сидз жө, кызди и асьыным му.

Рөмыд рытö кыа кусö,  
Машлөн коклябöрыс лудö:  
Локтö пароходөн мусук —  
Вайö запаньысь выль гудök.

---

Чуньяс улын гудök тэрыб,  
Лывкъякылö морт шы горөн:  
«Видза коляд, багыр-черöй,  
Локта гортö мусук дорö...»

Кык яг костын, Эжва пöлөн,  
Сьыланкывлөн горыс гажа:  
«Муса Машук, муса вöлн,  
Онi нöшта муса, Машö»...

«Мый нö, Степан! Эн тай весь öд  
Вöv тэ медся бур ударник!  
Йöкты, Степан, вывти лöсьыд,  
Джоджыс кузя сяркнит-шаркнит...»

Гажа шы тöлыс оз йөрмы,  
Юргö йөлöгаөн ылö.  
Дивуйтчыныыс оз вермы  
Бiвла вылыс ставыс ылö.

Гудök гажлөн вынйөр содö,  
Кок шы тшöкмö, нöшта тшöктö...  
Быттö тшöтш и пароходыс  
Көлесаяс вылас йöктö.

Тювгö сийö Эжва шөрöd,  
Гыыс нюлö берег дорсö...

---

...Машö лэччö ва дор йөрöd,  
Чужöмбанас нюмыс ворсö.

Воліс ар... и со жугыльтліс мусо,  
 Сөмын йөзыслысь гажлун эз кусод.  
 Воліс ар — кельдіс мөдлапөв визь —  
 Муса ныв зарни синва эз кисьт.

Коркө унаысь зэв  
 Ерлі арся кад ме...  
 Сөмын өні ме мөд,  
 Важся төждлун ог төд.  
 И көть тулыс, көть ар —  
 Пуө сьөлөмын жар.

Воліс төв... и став му вывсө кынтліс,  
 Сөмын морөсысь пөсьлун эз чинтлы.  
 Воліс төв... Олім янөсөн дыр,  
 Сөмын милөйлөн муслун эз быр.

Коді тәнө оз төд,  
 Еджыд дукөса төв?  
 Быдсөн шуоны тадз:  
 Төлыд мунлас на тась,  
 Югыд тулыслөн кад  
 Здукөн вежөдө сад.

Воліс тулыс... и регыдөн коли,  
 Ләбач-сьыланкыв ывла выв долис...  
 Воліс тулыс... О, небеса гуг!  
 Милөй мөд сайө мунөма друг.

Аттө дивө... Сө мор.  
 Мыйла кватитчи сөр?..  
 Со нин енэжыс дон.  
 Тулыс ылөдіс, зон...  
 Висьтав, мыйөн да кыт  
 Гожся гажтөмджык рыт?

Воліс гожөм, а сьөлөмөй ноксис...  
 Коркө өтчыд мен, видз вылысь локтіг,

Орчча видзвывса ёль синма ныв  
Шуис гусьоник пось сьолём кыв.

Бара чепөсьйис вир,

Бара лачаён тыр.

Вайё меным быд здук

Мыйта гажлунсө, друг.

Мый нө локтө кө ар —

Менам сьыланкыв яр.

## ОТКА ЗОН

Парма шорын, карсянь ылын,  
Көні пыр зэв лөнь,  
Ичөт сикт эм вөлөк ылын —  
Отка скөнь.

Кыз пу дорө, көні лудыс  
Дзоридзьясөн тыр,  
Быд рыт волө отка гудөк,  
Отка пыр.

Гудөк ворслывлө зэв нора.  
Ворсө отка зон.  
Мыйкө сьылө, мыйкө корө  
Гудөк тон.

Сийө сьөлөмшөрсө виччө.  
Ломзьө морөс выв,—  
Төвнас ылө, карө лэччис  
Сылөн муса ныв.

Бөръя рытө сийө шуис:  
— Эн кут сьөлөм шог:  
Водзө мунны бурджык туйөд  
Пукті аслым мог.

Велөдча да татчө вола,  
Аддзысьлам на тай...  
Медбөръяысь ылө, нолы,  
Талун окышт вай.

---

Пыр на гудөк ворслывывлө,  
Нор зэв ворсан ног.

Том зон частö шогсьывлывлө,  
Мыйла ныв оз лок.

---

Отка кыз пу корсö вежис —  
Важ ног öтнас дзик.  
Том зон мир туй вылө кежис,  
Колис ичöt сикт.

Босьтис гудök пельпом вылө,  
Волысалис көв.  
Аддзөдлыны карысь нылөс  
Ковмис сылы зэв.

Сиктса зонмөс ныв эз виччысь,  
Важөн эз кут мөвп.  
Верөс сайö велөдчигөн  
Мунис кольөм төв.

Сэтөр синъяс лэдзö муö,  
Чукрөдлө синкым!  
Нывка зонлы тадзи шуö:  
— Кежис туйясным.

Верман кө, вай менö вунөд,  
Сиа шуда нэм...  
Мича нывъяс чужан муын  
Метөг уна эм.

Вольной муыс тай зэв паськыд,  
Мөдкөд оз ло шог.  
Мун да сэссия эн жö казътыв  
Менö омөль ног.

Боши зонлөн томлун эбөс,  
Воча кыв эз сюр.

Морös выlö надзён лэдзис  
Кудриа съод юр.

Курьд нюм пыр сэсса кайтис:  
— Откөнлы зэв шог,  
Курсъяс выlö пырны чайта,—  
Вежа оланног...

Куті лача... Сьёлём косьті,  
Виччыси кык во...  
Тайё тулыс гажтём босьтис,  
Мыйла дыр эн во.

Онi казялі ме вёлись,  
Эг тай муса вöv...  
Пельпом вылын гудок кёлыс  
Сьökыд лоис зэв.

Мый нö вöчан, тэныд эг кö  
Сьёлёмöдзыд пьсьт?..  
Лоа МТС-ын регыд  
Медбур тракторист.

Муслун морösысь оз пактав,  
Сійös ачyd тöд...  
Лоас муса меным трактор,  
Кыдзи муса тэ...

---

Лун шөр пösьсö тöвру венö,  
Ывлаыс зэв шань...  
Помтём муяс, помтём енэж,  
Быдмö помтём нянь.

Мый сэн кузь лунтырөн варгö,  
Дугдыны оз чайт?

Мича шобді вундö, вартö  
Ыб вылын комбайн.

Гыён шензъысь сюяс водзын  
Тірзё потшöс сер...  
Нюмъялö дзик шенді мозыс  
Том ныв — комбайнер.

Радлунысла нылöс босьтö  
Съыланкыв задор...  
Код нö сэтшöм том да востер  
Трактор вылас морт?

Чужöм вылыс гажөн ыпйö,  
Енэж кодъыс дон.  
Тайö?.. Тайö öтка сиктысь  
Гудöкасысь зон.

## ТУЙ ВЫЛЫН

Пөрүсь бать-мамлы веськыд ки сеті,  
Узьысь чой-воклысь эг вөрзбод ун...  
Ыджыд туй вылө асывводз петі  
Шонді петандор. Ылын на лун.

Асья ру пиө чужан сикт коли.  
Водзын — шонді да помтөм му-вөр.  
Сьөлөм сьыланкыв налы ме доли,  
Кывзі азыма ывлалысь көр.

Уна туй вылын каръяс да сиктъяс,  
Пыра керкаө, кызди важ гөсть.  
И быд көзайка узянин ликтө,  
Зіля лөсьбөдө вольпась выв пөсь.

Нывъяс рытъясын кутлөны чөскыда,  
Тувсов рыт помъяс муслунөн тыр.  
Кыа куслытөдз сиктса том йөзкөд  
Гудөк шы улын гуляйтла дыр.

А кор сы бөрын, туй вылын бара...  
Сяргө зэр либө чизыртө төв...  
Лэдза шапка лэб... Шутьляліг яра,  
Сьыланкыв сорөн восьлала зэв.

Вөльній туй вылын важ шогъяс вунөны,  
Долыд сьөлөмөн тувччалан пыр.  
Лөсьыд рытъявыв ыркыдөд мунны,  
Вояс водзвылысь гаж аддзигтыр.

## ЛӨНЬ ВОЙӨ

(Серпас)

Дыр ветлі дзурыд туй выв кузя,  
Зэв лөнь и мича вой шөр кад.  
Оз унмөй лок, көть ставыс узьө,  
И гортө пырны абу рад.

Сэзь вой.  
И төлысь сэтшөм вылын  
Лөз енэж весьтын өтнас дзик,  
Кызд өні өтнам ме туй вылын.  
Лөнь-чөлө войөма став сикт.

И сөмын лымйөд дзуртө кок шы,  
А сувтан —  
Сэтшөм шы ни төв!  
Пель пиын тінгө,  
Сувтө лов шы.  
Ой, кутшөм гөгөр ставыс чөв!

Чу! Көнкө кылыштіс ныв серам...  
Мый?.. Кажитчис-ө, кыліс көн?..  
Но сөмын кылө сьөлөм вөрөм,  
И гөгөр — вемөдз йиджан лөнь!

Кызд дзугны тайө лөньсө меным?  
И тырмас оз нө эськө вын...  
Кор быттьө кынмөм  
Му и енэж,  
И быттьө төлысьыс тшөтш кын?

## ЫЛӦ ЛЭВӦНЫ

Арся гудыр

Енэжті

Бордйӧн вартіс,

Шеныштіс

Тури-дзодзӧг гез.

Найӧс

Коми войтырысь

Вӧтлӧ ылӧ

Вой тӧлыс,

Кӧні тӧдтӧм йӧз.

Кӧдзыд руӧн

Ымрӧдлӧ

Войвывсянь

Руд кымӧрыс.

Жугыльтчӧма рас.

Шогӧн ывла

Тырӧма,

Вӧр-ва вылын

Бырӧма

Тувсов лэбач гаж.

Зэв мыйкө көдзид ывла вылыс,  
 Яр төлөн гартчө еджыд лым.  
 Мый абу варов, муса нылөй,  
 Шог мөвпөн чукрөдлан синкым?

Мый понда миян жугыль пыкны?  
 Мед гажөн ыпьялө том кад!  
 Пось муслун тэкөд ассыым йитны  
 Ме эськө нэм чөж вөлі рад.

Но кызди, кызди?— юрын кылө,—  
 Кор мича нывлөн сьөлөм кын,  
 А менам морөспытшса билөн  
 Оз тырмы сывдны сийөс вын.

## ПОЭТ

Медводдзавысь коми вöрын  
Войся пемыд пиын сьылöм  
Надзöникöн Парма шöрын  
Вöлі вой тöv соркөд кылö.  
Сьыліс том поэт.  
И ун йыв  
Сылы гөгөр кывзисисны:  
Югыд асыв, шаньджык лунъяс  
Сьыланкывъяс виччисисны.  
Но сьöд кымөрлы шань сьылöм  
Кажитчöма вывті туйтöм...  
Вöчис бушков...  
Нуис ылö...  
Да поэтöс четвертуйтіс...  
Асыв йылысь гаралісны  
Шонді лучьяс.  
Накөд ворсіг  
Вой тöv, Парма  
Казьтылісны  
Отчyd кывлöм сьылан горсö.  
Оз нин сьыв поэт...  
Но пыр тан  
Сьыланкыв ми сылысь кылам,  
И ми шуда лунö пыртам  
Гажаджыкöс сыысь сьылöм.  
Пемыд вой көть шуд эз сетлы,—  
Онi шудсö асьным вöчам...  
И со медводдза поэтлы  
Памятник ми талун тэчам.

Мича лун съомӧс гажа берегӧд  
Отнас ветлӧдліс ва дорӧд ныв.  
Тӧвру ю вывсӧ неуна серӧдіс,  
Нывка съыліс сэн съыланкыв.

Сійӧ съыліс зэв надзӧник, чӧла,  
Быттьӧ неуна гажтӧм и нор,  
Быттьӧ кодӧскӧ, казътыліг меліа,  
Корис ас дінас нюмъялігсор.

И ме, бокиянь сы вылӧ видзӧдіг,  
Ӧзйи съӧлӧмӧн, лачаӧн тыр.

Став том сямлунӧн чолӧм видзиг  
Мича нывкалань матыстчи пыр.

Радлун бушколӧн морӧсын гыаліс,  
Сійӧ съӧлӧмлы лӧньны эз сет...

Кисӧ чабырті...

Сӧмын тай ки улӧ,

Сынӧд кындзиыс, немтор эз шед.

Тӧвру ю вывсӧ неуна серӧдіс...

Ылыс мӧвпъясӧн юр вемӧй дик.

Мича лун съомӧс гажа берегын

Со тай сулала ӧтнамӧн дзик.

\* \* \*

Муслун сьӧлӧм динӧ инмис  
Меным, ог тӧд ачым кыз.  
Шор пос вылын сулалім ми  
Окаситыр рытывбыд.

Вӧлі басни, вӧлі сёрни,  
Нывка варов и зэв вӧй.  
Янсӧдчигӧн вӧлі сёр нин,  
Но эз бурмы сьӧлӧмӧй.

Одва аски луныс воис.  
Муса рытыс дыр эз лок.  
Лунтыр морӧс пытшкӧс сёйис  
Быттьӧ рад, и быттьӧ шог.

Югыздӧн на гортись петлі:  
Корси этась, корси тась.  
Войбыд туй кузя ме ветлі —  
Милӧйӧй эз паныдась.

Юр вем пытшкын чужис полӧм...  
Аттӧ, ыджыд мокасьтӧ!  
Часлы, шор пос дорӧ вола —  
Гашкӧ, мӧдкӧд окасьӧ.

Чужан сиктсянь ме челядь дыр коркӧ,  
Романтизмӧн кор тыра юр садь,  
Ылі, лӧз горизонт сайӧ дзоргӧмӧн,  
Уна пӧрйӧ ме мӧвпавлі тадз:

Эськӧ вӧлі кӧ мыш сайын борд,  
Вына лӧбачӧн верми кӧ лоны,  
Лӧблі эськӧ ме сӧтчаны кӧть кор.  
Пароходъяс кысь тулысын воӧны.

Ставсӧ тӧдмалі, видзӧдлі, эськӧ,  
Кутшӧм мӧд сикас, мӧд олӧм сӧн.  
Весиг чужан сикт эновті веськодя,  
Сӧмын вӧлі мед бордъяслӧн шен.

И со мый жӧ? Ми бордъяссим кадӧн,  
Воссис ми водзӧ став паськыд мир,  
И зӧв сы вылӧ талун ми радӧсь,  
Мый оз тӧдтӧмлун сьӧлӧмъяс йир.

Но кор думыштан, окота кызкӧ  
Челядь воясӧс бергӧдны бӧр,  
Од пыр ёнджыка асланьныс кыскӧны  
Чужан сикт, тӧдса видз-му и вӧр.

Весиг окота овывлӧ коркӧяс,  
Ичӧтдырся моз мӧвпалігсор,  
Ылӧ, лӧз горизонт сайӧ дзоргӧмӧн,  
Мыйкӧ виччысьны тыдавтӧмтор.

## ТУВСОВ СТИХ

Съывны-ө мен талун тулыс йылысь,  
Коть и съолөм быттьö корö,  
Кор став ывла вылыс гажөн съылö  
Не морт вына съылан горөн?

Ог, ог кут. И панъясьны ог мөдлы:  
Од кор шондi радлун кодзö —  
Тулыс съыланкыв оз кор поэтлысь,  
Сийос ачыс съолөмъясын тэчö.

Май лун! Мый ме тэныд сета?..  
Аски, шондi кыпөдчигөн,  
Тувсов ывла вылö пета  
Вын и вежөр чолөмавны стихөн.

Ыста ме став аслам морөс биөн  
Чолөм сылы, кодi чужан мулы  
Аслас мудрöй, вына киөн  
Сетiс шуд и гажа тулыс.

## ПРАЗДНИК АСЫЛӨ

Сөмын на садьмам,  
А миянлы кылө нин  
Репродукторысь праздничной марш...  
Ворсө-гыалө долыд сьылөмөн  
Арся ывлаын тувсовъя гаж.

Тадзи думыштан:  
Шуда йөз ми.  
Кутшөм шань миян Рөдина-мамным!  
Шуда том кадө гажлунлөн би  
Некор миянысь оз вермы ямны,

И ми казьтыштам:  
Мыйтаөн сэк,  
Революция асылын, петлісны  
Смертной кось вылө,  
Вольноя мед  
Налөн пияныс му вывті ветлісны.  
Эз, эз жалитны батясным коркө  
Пиян шуд вөсна асьыныс лов.  
И дзик некодлы ньөтчюд не торкны  
Миян чужан му динө любов!

И со талун,  
Кор чужан му дзордзалө  
И кор гажлунөн ывлаыс тыр,  
Миллионъясөн тувччаліг орччөн,  
Чужөм вылысь серьёзность оз быр.

\* \* \*

Енэжыс кымрасис, зэрис,  
Ывлаыс нормыліс помөдз.  
Кажитчө вөлі, дзик нин  
Му шар выв — овны позьтөм.

Но со лыбөдчис шонді  
Югдіс и гажмис ывлаыс,  
Аттө, сө морө, кутшөм  
Му вылын овны лөсьыд!

Тулысөс кызди он радейт,  
Сы йылысь кызди он сыв?  
Кор весиг дзор тошка дядьлөн  
Дзордзалө чужөм выв?  
Кор сынөдас сыланкыв сьылө,  
Муслунөн өвтө төв,  
И меліа кышакылө  
Бадьясөн мөдлапөв.  
Тулысөс кызди он радейт,  
Сы йылысь кызди он сыв?  
Быдлаын ловзёны бадьяс  
Лайкйөдліг тугъя сыв.

## АРСЯ ЗЭР УЛЫН

Мыссьоны керкаяс зэр улын:  
Дзэбсьыны налы некытчö.  
Горза,  
И бөрда,  
И серала,  
Сöмын тай кымөр оз петитчы.

Видзöдö енэжыс зумыша.  
Чукрöдлö гудыр-лөз синкымсö.  
Морös пытш дой йылысь думыштиг  
Тирмунö кокъяс и ки быдсөн.

Ывлай, ой,  
Буракö, шогсян тэ.  
Ме моз жö он вермы лөнъныд.  
Сьöлөмлы шойччөг кор ог сетой,—  
Сьökыд зэв гажтөмсö венны.

Весьшөрö бөрдан тэ.  
Мыйла нö.  
Мый кузя,  
Код вöсна гажтөмчан?  
Лэптыв лөз синъястö вывланьö,  
Гаж пырысь шондилань чатөртчыв.

Кымөра енэжсö личöдлы,  
Югөрөн нюмдöд став вөр-ягсö.  
Гашкö и тэ вылö видзöдиг  
Сьöлөмой менам пөръяссияс.

Ывла выв!  
Мый нö тэ чөв олан?  
Менсьым нö кевмысьöм кылан-ö?

Мыйла нө синватө дзольөбөн  
Жетгыртчөм му вылө гылөдан?..

Дугды вай!  
Олөм туй казтыліг  
Быдөнлөн курыдыс нунымөн.  
Бурджык вай енэжыс пасьтала  
Ертъяс моз аслыным нюммунам.

## БРАТАНЪЯС

Фронт вылӧ мунис нель братан,  
Граница дорысь зырны врагӧс.  
Ме витӧд, коли гортын, тан,  
Вӧр вӧчны Коми парма ягын.

Ми дӧнысь збойлунным оз мун,  
Ми весьтын енӧжыс оз сальмы,  
Фашистлы шуда Сӧвет му  
Не тальны некор дзик, не тальны!

Фашистскӧй кӧин чегас пинь,  
Вель чорыд, ён сӧветскӧй кӧрыш.  
И, кытчӧдз спесьлуныс эз чин,  
Мед видлӧ, кутшӧм сылӧн кӧрыс.

Оз жалит сетны ассьыс лов  
Братанъяс пиысь косьын некод.  
Ас му фашистскӧйӧн оз ло,  
И рабъясӧн ог лоӧй некор!

Пез врагкӧд бойӧ Сталин ёрт  
Тшӧтш мунны корис менӧ талун.  
Стена моз кыпӧдчис народ —  
Великӧй муысь став братанъяс.

И мынтыяс сӧк подлӧй гад  
Да панялас, мый ачыс пуис...  
Зӧв матын, матын сӧйӧ кад,  
Кор сӧйӧс нырыштам кок улын.

## ВОКЛЫ

Ыджыд чолөм, менам дона вок,  
Ылі рытиввывсянь ыджыд воксянь!..  
Таво гожөм, гашкө, ог на лок,  
Но эн шогсы, ньоти тэ эн шогсы.

Гожся рытын чужан сиктным рам,  
Рөмпөштан кодь Эжва юным шыльыд..  
Көнкө, тарыт миян муса мам  
Лунвыв йөрын уджалө на зіля.

Тода: сійө, узыны водігмоз,  
Частө гажтөмсывлө миян вөсна,  
Кодъяс эновтісны  
Шоныд чужан поз,—  
Коді кытчө — муналісны ылө.


Вөлім өкмысөн ми — пи да ныв,  
Но код бордъясыштө, пыр жө лэбзьө..  
Көть и, вокан, паськыд му шар выв,  
Олөм туйсыд некытчө он дзевсы.


Бымыштан и гөгөрвоан сэк,  
Кутан ачыд корсьны аслыд шудлун.  
Сөмын янсөдчигөн пөрысьясөс тэ  
Морөс бердад топыдджыка кутлы.

А тэ өні сөмын сыв да ворс,  
Налысь сьөкыдлунъяс гажөд, личөд,  
Вугрась, котрав, Осьникысь мөс корсь,  
Эжва кырсянь пароходъяс видзөд.

И мед некор оз босьт тэнө шог,  
И оз нормыв сьөлөм тэнад мөгтөг,  
Гашкө, таво гожөм ог на лок,  
Но быть локта коркө, локта.







МЕДВОДДЗА ЛЮБОВ

М

1

ыйта мөвпъяс быдсяма вайё  
Казьтылөмыс, кызди челядь дыр  
Коркө ставөн олөм содйөд кайим  
Томлуннымкөд панъясялігтыр!  
Сійө кадыс кольөма вель ылө,  
Онi эм выль оланног,  
Выль мог.  
Но том кадөс казьтыштигөн кылө,  
Быттьө сьөлөм бердын вөрзё шог.  
Сөмын тайө шогыс абу курыд  
Сы вөсна, мый рад көть абу рад,—  
Кызд и мөвпъяс вежласьоны юрын —  
Лэзбё бөрө мортлөн олан кад.  
Сійөс некор нинөмөн он бергөд,  
Но и некор некодлөн оз вун,  
Кызд оз вунөд некор енэж эрдө  
Шондi кыа петавны быд лун.

---

Гриша ёрткөд овлім чужан сиктын,  
Кызди олө отлаын кык вок.

Быттьö ötмоз сьöлөмъясным тiпкис —  
Öти нога вöли гаж и шог.  
Öти мог ми челядь кадысь корсьлим,  
Öткодъ муса — ва дор керöс выв,  
Öти ворсанторйөн öтвыв ворслим.  
Öтвыв сьылим öти сьыланкыв.  
Гашкö, öти кодзув улын чужлим,  
Кор ми костын лöгалөм эз ов.  
Весиг видзны вензьывалытöг кужлим  
Öти нывка дiнö  
Кыкнанлысь «любов».  
Ыджыд син лысьяса, збыльысь Таня  
Миян вöли стрöг,  
Но зэв бур ёрт...  
Коркö сылы, кажитчö, зэв шаня  
Öтнас дырйи шуи татшöмтор:  
— Ме нин ачим абу вывти ичöt,  
Тöда, мыйтор колö и оз ков...  
Меным сэтшöм кажитчан тэ мича,  
Абу жаль тэ понда сетны лов.  
Вывти ёна Гриш сайö эн тэрмась...  
Кöть и абу шыбитана морт,  
Öдвакö öд сийö коркö вермас  
Тэнö, Таня, радейтны ме моз...  
— Тырмас!— Таня кельдöдөмөн шуис.—  
Мöдысь татшöм сёрни вай эн пан...  
Сэсья пышйис...  
Сьöлөм збыльысь пуис,  
Вир-сер öзйис менам чужöмбан.

---

Кыдзи пуö зонлөн коньөр сьöлөм,  
Кодi тöдас,  
Аддзас кутшöм ног,  
Кодыр том кад быд лун тшöктö вöли  
Гажлун сайö сайöдны быд шог.

Томлун гыис морӧс пытшкын яра,  
 Мышку сайын вӧлі дас квайт ар,  
 Еджыд ноппӧн велӧдчыны карӧ  
 Мӧді ӧтнам.  
 Вӧлі зэра ар.  
 Коли чужан сикт  
 И муса ёртъяс;  
 Коли Гриша,  
 Коли муса ныв...  
 Мый ог волы сизим во чӧж гортӧ,  
 Менам сьӧлӧм сәки эз на кыв.  
 Эг на тӧд, мый чужан сиктӧй вунлӧ,  
 Сьӧлӧм аддзас мӧдлаысь выль гаж,  
 Мый му вылын мича нывъяс уна,  
 Выль мог дырйи регыд вунӧ важ.  
 Кыдзкӧ регыд верстьӧасян ӧні,  
 Ӑдйӧ гартчӧ миян олӧм вез.  
 Он на эшты челядь туйтӧ венны —  
 Оз нин томӧн артавны бур йӧз.  
 Морӧс бердысь торъялан —  
 Он тӧдлы:  
 — Лоис вердысь, — шуӧ пӧрысь мам...  
 Но мый пӧттӧдз челядьлунысь шедлӧ —  
 Сьӧлӧм бердсыд нәм чӧжыд оз ям.

Вояс исковтисны  
 Выль вояслы воча,  
 И быд лунлӧн важ серти мӧд сям.  
 Пӧрысь кисер туйӧн, кӧть и шоча,  
 Гортсянь юӧр ыстывывліс мам:  
 «Олам бура,  
 Сӧмын мукӧд дырйи

Кыдзкө морөс пиын чужлө шог,  
Мыйла ачыл, пиук, эта дыра  
Некор талань он волы, он лок.  
Гөгөрво тэ, бырө кыдзкө гажөй,  
Тайө тулыс гортө волы дзик.  
Төдан өд — колхозын өні важөн  
Оти морттөг, дзоньнас миян сикт,  
Велөдчөма йөз тан абу лишка,  
Гортын эськө тэныд вывті бур.  
Тэнад челядьдырся ёртыд —  
Гришка —  
Вөлөсть улын өні медсюсь юр.  
Со и Таня...  
Мөдөд во нин гортын,  
Тожө велөдчыштіс —  
Велөдө нин тан.  
Тэныд эськө зэв шань вөлі гөтыр,  
Водэдзык Гриша вайны кө оз пан...  
...Төвся войяс пөрысьлы зэв кузьось,  
Мукөд дырйи ньөти оз лок ун,  
Частө мөвпөн шогсьывла тэ кузя,  
Абу тэтөг меным долыдлун...»  
Быдса во чөж новлөдлігөн сьөрын  
Мамлөн письмө сотіс сьөлөмдін.  
Өні вөлись  
Сизим тулыс бөрын  
Видзөдлыны локта чужанін.

3

Татшөм мөвпъяс бергалісны юрын  
Яг выв туйөд гортлань тувччигсор.  
Гуся радлун чужис сьөлөм улын,  
Төдса ыбъяс тыдовтчисны кор.  
Джуджыд сюяс копрасисны йөрын.

Төвру өвтис мулысь чужомбан.  
Кутшом лосьыд!  
Ветлом-муном бөрын  
Ставыс на зэв тодса меным тан.  
Долыд серпас синъяс водзё сувтё,  
Ставыс казътё челядьдырся кад...  
Век на важ моз  
Долыдпырысь шувгё  
Эжва берег дорын кыз пу сад.  
Муса сад!  
Веж ромон тыром ывла,  
Ызгысь Эжва бердса керос выв!  
Первойысь тан заводитли нывкод  
Муслун йылысь панны сёрникыв...  
Радейтлис-ө сийо корко мено?  
Вай жё висьтав,  
Шаргысь кыз пу лист...  
Ог тод, кутшом мөвпъяс видзё öнi,  
Кызни паныдалас  
Сизим тулыс мысьт?

---

Корко кадö томось вöлим быдөн.  
Эз пыр öти сьылөм  
Сьөлөм кыв.  
Визув кадö пидзос вылын рытын  
Эз пыр öти пукавлывлы ныв.  
Нывъяс радейтлисны миянös эз этша,  
Эз вöv некор кодзыд морös пытш,  
Сöмын эз вöv муса некод сэтшөм,  
Первойя ныв муса вöли кыз!  
Мед нö колип вьль сьыланкыв сьылö,  
Важся көсийөм вьльмөдны оз ков,  
Мед вьль муслун сьөлөм вылын кылö,  
Но пыр муса медводдза любов.

---

Со и войс менам чужан сиктöй,  
Регыд матысь аддза чужан горт.  
Морöс пытшкын сьölöм ёна тiпкö,  
Тöдсаджык кор здоровайтчö морт.  
Вот и Таня!..

Тэнö-ö ме аддза?

Тэ-ö лэдзан мулань лөзов син?

Эг öд кöдзыд сьölöмөн во татчö,

Эз öд муслун нинöм мында чин.

— Век на, Таня, сэтшöми тэ...

Важкодъ?..

— Мый нö лоас мекöд?! Он öд веж  
Мортлысь ногсö.

— Верöс сайын, гашкö?

Кывлi: Гриша вöтлысьöм дыр чöж...

— Абу, абу! Гриша абу тани!..

Шогöс тöдтөг сьölöмöс эн дойд...—

Джöмдiс Таня.

Кельыд чужöмбанöд

Ковта вылö лэччис синва войт...

Отнам коли туй вылö ме шемöс,

Тунiс Таня...

Водзö нем эз шу.

Сылөн кывъяс йиджисны дзик вемöдз,

Юрын жувгис гөгөрвотöм шум...

Ме эг тöд,

Мый лоö ставыс тайö,

Быри аслам эбöслун и сям...

4

Гриша йылысь гортса пызан сайын

Висьталiс мен талун пöрысь мам:

— Кольöм арын армияö коллим

Видзны врагысь чужан му и вөр...

Вөлөсть улысь мунлісны дас нельён —  
Дас куимос виччысямө бөр...  
Быдөн пөся радейтлім ми татөн,  
Сійө мян некор оз вун, оз!  
Вөлі том,  
Но зэв зіль председатель,  
Быдтіс сиктын озыр, ён колхоз...  
Сылөн юөр мян вөлі дона,  
Татчө сійө волө вөлі кор.  
Кык во мысти көсйысис зэв ёна  
Ас колхозө Гриша локны бөр.  
Но вот отчыд...  
Тулыслань нин вөлі...  
Воис сиктө гажтөм юөртор:  
...Дугдіс вөрны морөсын том сьөлөм,  
Уси косьын тиян Гриша ёрт.  
Вөлі збой и пыр медводдза радын,  
Сьөкыд йылысь эз вөв кыв ни джын...  
Сөмын отчыд кыв кутан нарядын  
Врагкөд паныд эджык тырмы вын,  
Даскөд воча  
Сійө вөлі отнас,  
Но том сьөлөм нинөмысь эз пов.  
И граница сайө врагөс петны  
Эз лэдз... Сөмын  
Пуктіс асьыс лов.  
Олас нэмсө медым сылөн слава,  
Сы моз кувны быдөн мян дась.  
Сійө нимөн асьыным застава  
Шуим водзө нимтыны ми тась...  
...Абу мян Гриша өні татөн,  
Сөмын некор мян оз вун, оз.  
Вөлі том,  
Но зэв зіль председатель,  
Сиктын быдтіс озыр, ён колхоз...

Синмын чужи пемыд...  
 Сьөлөм ноксис...  
 Ог төд —  
 Вөлі пемыд рыт-ө, вой...  
 Ог төд, кыдзи ва дор садьё локсис  
 Морөс бердысь пальёдыштны дой...  
 «Муса ёрт,  
 Сук думөн юрөй ёнтө...  
 Менам олөм, гашкө, тэысь руд,  
 Сөмын шуа:  
 Чужан муным понда  
 Вир войт сетны лыддя ассьым шуд.  
 Томсянь тэнад вөлі пөсь зэв сьөлөм.  
 Олін яра...  
 Пөсь удж — тэнад эрд...  
 Бура помалін и ассьыд олөм.  
 Кыдзи колө,  
 Паныдалін смерть...»  
 Но вот кодкө бердліс пуяс бокті...  
 Еджыд платтьө...  
 — Таня, тайё тэ?  
 Кутшөм бур, мый татчө тожө локтін,  
 Кыв-мөд колө висьталыштны тэн.  
 Төдан ачyd,  
 Вөлі первой ёртөн  
 Меным коркө Гриша...  
 Тайё шог,  
 Көть и ёна менсьым сьөлөм дойдө,  
 Мед оз некор жугыльт оланног.  
 Быдмим өтилайн —  
 Тэ, и ме, и сійө.  
 Төда —  
 Прөстө синватө он кисьт.

Вай жö öтвыв олöмнымöс сиам  
 Водзö нуны сылысь олан визь...—  
 Мыйкö нöшта висьтавлі ме дыр на,  
 Весиг быдөн тырлі быттö лов...  
 Шуис Таня важ моз:  
 — Тырмас!  
 Ставсö тöда, висьтавны оз ков.  
 Оні меным кажитчö зэв яндзим,  
 Кыдз тай öнтай синваасьліс син.  
 Сöмын кывзы,  
 Мыйöн тэнö аддзи,  
 Ог тöд, мыйла, кытчö воши вын.  
 Ме эг кöсий некор сэтчöдз воны,  
 Сöмын,  
 Кыдзкö-мыйкö сійö здук...  
 Тöдан,  
 Гришаöс радейтлі зэв ёна...—  
 — Таня, збыльысь?  
 Эз вöв некор дум...  
 — Мыйла? Тані,  
 Сыысь кындзи, меным  
 Кажитчысь морт некоді эз вöв,  
 Дай ог каитчы...—  
 И Таня лönис.  
 Сöмын сьölöм тiпкöм торкис чöv.  
 — Тэ дзик некор, Таня,  
 Менö, дерт, эн радейт?  
 — Ме ог тöд.  
 Ті быттöкö кык вок  
 Вöлінныд, кор  
 Коркö тайö садйын  
 Шуин меным: «муса»... гусьön ног.  
 И ме немтор висьтавны эг слöймы —  
 Вöлі сэки вывтi том и дик.  
 Сійön, дерт, мый öтилаын сövмим,

Откодъ мусаоьс тi вoлiд дзик.  
Сoмын oнi...  
Сийo абу сeрни...  
Отчид мынысь мoд пoрйo оз шед,  
Мен тe oнi мусаммыны сeр нин,  
Oз лo некор прамoй муса — мoд...

6

Важoн кья вoр пу сайo кусi,  
Oз нин сылoн югoр сaдийo во...  
«Мен тe, Таня, важ мoз eна муса,  
A ме кoдзыд тeн,  
Кыдз тайo вой.  
Сидзкo сeрни сидз жo сoмын кoдзыд  
Вермис лoны oнi миян кoст...»

Эг нин виччысь гoжoм пом,  
И рeгыд —  
Коли чужан сиктoс и колхоз.  
И вот бара на дiнсянь зeв ылын,  
Кoнi менам мoд пoлoс эм мoг,  
Кoнi сьoлoм мoд сьыланкыв сьылo  
Да мoд сeрoн гьo oланног.  
Кыпид уджын кадыс oдийo лeбзьo,  
И пыр выльысь-вьльoн ачид рад.  
Уна важ шoг вунлo, муслун небзьo.  
Сoмын  
Визув вывтi нин том кад!  
Oк, и Таня, Таня!  
Topyт воис  
Пoрысь мамсянь гижoд бара мен:  
Мунoма пo Таня верoс сайo...  
A код сайo?  
Абу индoм сeн.

Кутшөм мог мен сыөдз, збыль кө шуны?  
 Лөг ни вежөктөм ме морөсын ог кут.  
 Оз кө кузя сйө вермы вунны —  
 Коли сөмын шуны налы шуд.  
 Сөмын шуд!  
 И некор мед оз торкссы  
 Збой том кадлөн кыпид сьыланкыв,  
 Медым кужим радейтөмөн коркө  
 Гриша йылысь казтыштны өтвыв.

11	Кутшөм	мог	мен	сыөдз,	збыль	кө	шуны?
12	Лөг	ни	вежөктөм	ме	морөсын	ог	кут.
13	Оз	кө	кузя	сйө	вермы	вунны	—
14	Коли	сөмын	шуны	налы	шуд.		
15	Сөмын	шуд!					
16	И	некор	мед	оз	торкссы		
17	Збой	том	кадлөн	кыпид	сьыланкыв,		
18	Медым	кужим	радейтөмөн	коркө			
19	Гриша	йылысь	казтыштны	өтвыв.			



## СОДЕРЖАНИЕ

Поэт-лирик . . . . .	3
Пемыд вёр . . . . .	11
Мыж . . . . .	12
Чера мужикъяс . . . . .	13
Киссьом доддьон . . . . .	15
Арся войын . . . . .	16
Трактор гор . . . . .	17
Первой Май . . . . .	18
Эжва вылын . . . . .	20
Страдна сьыланкыв . . . . .	21
Асья серпас . . . . .	23
Рыгтя лирика . . . . .	24
Талун сёрмөмөн . . . . .	27
Сьылөй гажаджыка . . . . .	28
Лыжи вылын . . . . .	29
Унмөй оз лок . . . . .	30
Рыгтя кыа лөнькөд тэ он рөдмы . . . . .	32
Нывлы письмө . . . . .	33
Төлыся войо . . . . .	34
Горөда ме сьывны . . . . .	36
Тулыс . . . . .	37
Менам шудлун . . . . .	38
Демонстрация бөрын . . . . .	40

Паськыд енэжыс . . . . .	41
Рөмыд рытö кыа кусö . . . . .	42
Воліс ар . . . . .	43
Отка зон . . . . .	45
Туй вылын . . . . .	49
Лөнһ войö . . . . .	50
Ылö лэбöны . . . . .	51
Зэв мыйкö кöдзыд ывла вылыс . . . . .	52
Поэт . . . . .	53
Мича лун сьöмöс . . . . .	54
Муслун сьöлöм динö инмис . . . . .	55
Чужан сиктсянь . . . . .	56
Тувсов стих . . . . .	57
Праздник асылö . . . . .	58
Енэжыс кымрасис . . . . .	59
Тулысöс кызди он радейт . . . . .	60
Арся зэр улын . . . . .	61
Братанъяс . . . . .	63
Воклы . . . . .	64
Медводдза любов . . . . .	67

*Ананий Прокопьевич Размыслов*

ИЗБРАННОЕ

на коми языке

Оформление художника С. Добрякова

Редактор С. Морозов.  
Техн. редактор И. Цизунин.


Худож. редактор М. Безносков.  
Корректор А. Чеусова.

Сдано в набор 11|I-1961 г. Подписано к печати 25|II-1961 г.  
Формат 70×92<sup>1</sup>/<sub>32</sub>—1,25 бум. л. 2,925 печ. л. (Уч.-изд л. 2,41).  
Тираж 2000. Заказ № 331а. Ц00043. Цена 27 коп.  
Коми книжное издательство. Дом печати.

---

г. Сыктывкар, Республиканская типография Полиграфиздата  
Министерства культуры Коми АССР

Новая цена  
—  
Руб. 10 к.



10